

ԱՎ. ԻՍԱՀԱԿՅԱՆԻ ՍԵՐԸ «ՀԻՇԱՏԱԿԱՐԱՆՈՒՄ»

Մ. Գ. ԶԱՔԱՐՅԱՆ

ԱՎ. Իսահակյանի մեծ սերը «Հիշատակարանում» Շուշանիկ Մատակյանին է՝ Սահակյանության դպրոցի սանուհին, բանաստեղծական խառնվածքի տեր էակ, որի նկատմամբ վեհ ու վերերկրային զգացմունքներ է տածել բանաստեղծի ողջ կյանքում: Այլևայլ առիթներով նա իր ներաշխարհը համեմատում է Դանտեի Բեատրիչի, Պետրարկայի Լաուրայի, Բայրոնի Մերի Չավորտի, Հայնեի Ամալյայի հանդեպ տածած հուղապրումներին: Իսահակյանի «Հիշատակարանում» պահպանվել են սիրած էակի հետ բախտորոշ հանդիպման մանրամասները. որոնք օրագրի հեղինակը տարիներ անց, արդեն Շուշանի հետ գծոված և տենդագին հաշտության եզրերի որոնումներում, հոգևոր պոռթկման մի պահի արտագրել է՝ մեզ չհասած էջերից: Զգացմունքները փոխադարձ էին, սրա վկայություններն էին սիրած աղջկանից ստացած նամակները, տեսակցություններից վերապրած բերկրանքն ու հոգևոր ցերմությունը. «Նրա» մեջ տեսնում եմ իմ հոգեկան պատկերը՝ որոշ գույներով... Կյանքը թվում է ինձ անվերջ սեր... Սիրելի-ապրելի-ապրելի... Կյանքի խորհուրդը այս է»¹: Սա տասնվեցամյա պատանու կյանքի փիլիսոփայությունն է միաժամանակ, ուր նա տոկալու, ստեղծագործելու տենչը անբաժան է համարում սիրուց և ճշգրիտ նախագագցումով կանխորոշում սեփական կյանքի ուղին՝ սիրելի, ապրելի, տանջվելի: Ապրելու իմաստը ծալր է առնում սիրուց և ուշագրավն այն է, որ սերը պատանու գիտակցության մեջ ու պատկերացումներում միաձուլվել է տառապանքի գաղափարին: Կյանքի էության նույնպիսի ընկալումը բնորոշ է նաև սիրած էակին, որի վկայությունն է նրա նամակից կատարված մեղքերումը՝ «Տանջվել եմ ուզում...» (Հ, 23): Սերկյանք-տանջանք հոգեբանությանը Իսահակյանը շփման եզրեր ունի Ա. Շոպենհաուերի և վաղ տարիների Ֆ. Նիցշեի² դավանած գաղափարախոսությունը: Ուշագրավ է, որ տարիներ անց, ինչպես հավաստում է Կ. Համսունեն «Պան» միպակի թարգմանության առաջաբանը, գրողին զբաղեցրել է նորվեգացի հեղինակի սեր-տանջանք զգացմունքային հարազատությունը՝ իր այլևայլ նրբերանգային ալեկոծանքներով, որոնցով էլ, ըստ էության, ողողված է «Հիշատակարանը»։ «Վեպի հերոսը, յեյտենանտ Գլանը, իր հակասություններով, զգացմունքային բախումներով, կրքերով, սիրատարփիկ հուղերով՝ մեկն է այն բազմաթիվ մարդկանցից, որոնք պայքարում և հաղթում կամ ընկնում են սիրո մթնոլորտում, և որոնք սիրում են առանձնահատուկ կերպով, — բուռն, հուլզների ոլորուն ելևէջներով, ապշեցուցիչ հակասություններով, և որ գլխավորն է ու բնորոշը, ապրելիքներով»³:

Իր զգացածք, վերապրածն ու մտածածը եվրոպական հոգևոր մտքի հետ համեմատություն—գուգահեռների վկայությունն է թվում նաև «նորա» բառի

¹ ԱՎ. Իսահակյան, Հիշատակարան (այսուհետև՝ Հ), Երևան, 1977, էջ 20: Գրողի երկերից մեջբերումները կտրվեն ԱՎ. Իսահակյանի «Երկերի ժողովածուներին» (Երևան, 1973—1979), փակագծերում կնշվեն հատորը՝ հոմեական, իսկ էջը՝ արաբական թվանշաններով:

² «Նա (Նիցշեն—Մ. Զ.) բոլորովին չի բաժանում այն տեսակետը, թե կյանքը տանջանք է և հետևապես պետք է ժխտել: ...Նա ներբողում, անգամ աստվածացնում էր կյանքը: Կյանքը բարեքններից զերպույն է» (Ն. Ֆրանգյան, Ֆ. Նիցշե և նրա փիլիսոփայությունը, Թիֆլիս, 1910, էջ 54, 51):

³ Կ. Համսունեն, Պան, Լեյտենանտ Թոմաս Գլանի թղթերից, գերմ. թարգմ. ԱՎ. Իսահակյան, Թիֆլիս, 1913, էջ 7:

գործածությունը և՛ «Հիշատակարանին» վաղ տարիներին, և՛ Շ. Մատակյանին ուղղված առաջին նամակում: Թվում է, գրողն այստեղ նկատի ուներ ոչ այնքան գերանվան գրաբարյան քմահաճ գործածությունը (միշտ չափերտների մեջ), այլ փափակկաց ապրած և դեպքերի բերումով սեփական հոգևոր-բարոյական և մարդկային նկարագրի ինքնահաստատման ճանապարհ ելած իբսենյան հերոսուհուն՝ Նորային:

Բանաստեղծի սերը, սակայն, ժամանակի հետ դարձավ շրջապատի բիրտ ու նյութապաշտ մտայնության դեմ: Ինչպես չսպիացող վերք, գալարվող ցավ ու տառապանք այն վերապրել է ողջ կյանքում: Օրագրային առաջին խկ գրառումներից, անդրանիկ՝ «Երգեր ու վերքեր» ժողովածուից սկսած Իսահակյանի սիրային պոեզիան ներկայանում է հոգևոր տարբեր ավերակումներով, վերացարկվում տարբեր հնչեցումներով՝ սիրո թրթիռ, տառապանք ու տանջանք, անկեղծ խոստովանանք, կարոտակեզ պոռթկում, ապա զգացմունքների հեղեղ՝ հոգի ծվատող անհույս մորմոք, կրակված սիրո րոց, հըրդեհ, արնածոր սրտի վերք: Օրագրային էջերի վկայությամբ, տասնամյակների անց անգամ մերժված սերը բանաստեղծը վերապրում է իբրև գալարվող, հոշոտող ցավ ու ողբերգություն. «...Տիեզերքի խորությունն ուներ իմ սերը, որովհետև սիրտս խորն էր նույնչափ, և իմ տանջանքները անըմբռնելի էին ու մահաբեր... Սիրում էի արյունիս ամեն մի կաթիլով և մաքուր, ավելի մաքուր... Ես լացեցի՝ արյուն ու թարախ, քար ու արյուն լացեցի... Հոգուս վերքերը. հիմա, լայնաբերան վերքերը... Շուշիկը դաշույն ցցեց արտիս մեջ, և մնում է դաշույնը. վերքը խորը, արնով լիք, և ապրում եմ ամեն քայլափոխում արյան կաթիլներ ծորելով. հետքս արյունով ներկվեց...» (Հ, 284, 281): Սիրո, կարոտի, սպասման մորմոքի միահյուսված զգացումը սիրած էակի ամուսնությունից հետո, ինչպես վկայում են մեջբերվող տողերը ևս, վերածվում են հոգևոր մոլեգին խռովքի, դառնաղի տառապանքի արիքավորվող ելևէջների և լայնորեն բեկբեկվում նրա օրագրում և ստեղծագործություններում՝ իրական կենսագրական ազդակներով անդրադարձնելով նրա ըստ ամենայնի բարդ ու դրամատիկ հոգևոր կացությունը. «Հոգի կուտամ, հոգի տո՛ւր ինձ, իմ նազելի աչագեղ»: (I, 10), «Սիրտ իմ, սպասիր... մի՛ հուսահատվիր. Ապրի՛ր մի՛նչ կա կյանք, և մի՛նչ նորոգ հույսի Կախարդ հորդոն...» (I, 15), «Ես գրկեցի. ի՞նչ-արյան ծով» (I, 14), «Սիրտս խորունկ վերք ունի. Ձեռքդ մի՛ դի՛ր—ա՛խ, չէ, ձեռքդ Անշնչելի կարևորի» (I, 44), «Մայրիկ, հիվանդ եմ, սիրտըս քրքրված. Տես, ո՛րքան խորն են հոգուս վերքերը Արևոտ ու խոցոտ»: (I, 45), «Սիրտս բոց է, սիրտըս խոց է...» (I, 70), «...Սիրտըս-աբուն-ծով է» (I, 77):

Օրագրային և բանաստեղծական տողերի զոհահանքը հավաստում է նաև գերդպյուն բանաստեղծի՝ կորցրած սերը խոշտանգված հոգով վերապրելու ծանրածանր զգացումը, հանգամանք, որը բնութագրում է նաև Իսահակյանի մարդկային-անհատական նկարագիրը: Նրա սերը ներկայանում է որպես առասպելական սիրո ըմբռնում՝ օժտված այնպիսի մի ճակատագրական ուժով ու զորությամբ, որը հանկարծակի հայտնվում է և իր կործանարար տարերքով գերի դարձնում մարդ արարածին: Համոզվելու համար համադրենք ոչ միայն իրենց խոսքով, ոգով ու շնչով, հանգով ու երանգով, այլև մարդկային տարբեր խառնվածքներ ունեցող նրա ժամանակակիցների առաջին սիրերգերը, ուր խոցոտված արժանապատվությամբ առանձնանում է Իսահակյանի հուղաշխարհը (Հ. Հովհաննիսյան՝ «Միևնույն փիշոր մեզ միացրեց», «Ի՞նչ է, հոգի՛ս, ի՞նչ է, իմ հրեշտակ» «Կույս գուշքնա՛ղ, փուզես ծպտա», Հովհ. Թումանյան՝ «Հոգուս հատոր», «Ներքի, ո՛վ կույս...», «Մի՛ որոնիր», «Նրան», Վ. Տերյան՝ «Էստոնական երգ», «Fatum» «Անջատման երգ»):

Սերը Իսահակյանի համար կյանքի իմաստ ու նպատակ է, որ ստեղծագործական արարման էր մղում նրան. «Ա՛խ, Շուշիկի համար էի ես ապրում. իմ կյանքի ծանրության կետն էր, նրա շուրջն էր պտտվում իմ ողջ գոյո՛ւ»:

Նախնական տարիների օրագրային գրառումների վկայությամբ Շուշի-կր ռոմանտիկ-բանաստեղծական կերպար է: Իսահակյանը, շնայած այդօրինակ մեծ սիրուն, այնուամենայնիվ, սթափ ու զգաստ հայացքով է գնահատում նրա նկատմամբ տածած իր զգացմունքները, աշխատում հաշտվել նրա հետ, հարթել իրենց մեջ ծագած տհաճ միջադեպը, սակայն միաժամանակ խոստովանում. «...ով գիտե, կյանքը պեսպեսացուն բան է,— «նա» նորից սիրե ինձ և դարձնե կորցրած սերս: Այս խոսքերը գրում եմ, մազի չափ հավատ չընծայելով ճշտությանը» (Հ, 53): Իսահակյան մտածողը գիտակցում է, որ Շուշիկի հանդեպ տածած իր սերը ինքն է մեծ և գեղեցիկ երազանքներով օժտել և 1893 թ. գրառման մեջ արձանագրում է. «Սիրո դեպուտատ անհաշող, կարճատև անցավ... գուցե երկրորդին, գուցե ե երրորդին կարողանամ սիրել, սիրել ավելի տաք և բուռն, թո՛ղ սիրտս նորից բաբախե, ում համար որ ուզում է, միայն՝ թո՛ղ բաբախե սիրով» (Հ, 38): Նա համոզված էր, որ փոխադարձ սիրո հույսը անիմաստ է, ավելի ստույգ՝ բացառվում է, սակայն ստեղծագործող Իսահակյանը չի ցանկանում հրաժարվել նրանից, համոզված, որ միայն տառապող հոգին է ընդունակ արարելու, ուրիշի զգացմունքները, տվյալստեղծ հասկանալու: Այս պատճառով էլ նա Շուշիկի հանդեպ տածած իր սերը դարձնում է գաղափարախոսություն և ծավալում ողջ «Հիշատակարանում», մյուս ստեղծագործություններում: Գրողը խորապես գիտակցում է, որ Շուշիկի նկատմամբ զգացմունքները իր համար ո՛չ սկիզբ են, ո՛չ էլ վերջ, նա նորից է սիրելու, սակայն չի վարող հրաժարվել իր իդեալ Շուշիկից և այդ սկզբունքով էլ առաջնորդվում է ողջ կյանքում: Այն փաստը, որ մարդ Իսահակյանը, իրոք, տարբերել է Շուշիկի սիրո իդեալը և այլընտրանքը, հստակ վկայում է 1893 թ. մայիսի 26-ի գրառումը. «Որքա՞ն դատարկ կլինեի կյանքը, եթե չլինեի նրանում սիրո դրաման, կոմեդիան, տրագեդիան, կատաստրոֆը... Որքա՞ն սերը մխիթարող է, ոգևորիչ է, հուսադրող է, բարձրացնող է. բացասական դեպքում՝ որքան էլ հուսահատեցնող, տանջող, մաշող, բայց և այնպես միմիայն սիրո համար, միայն սիրո համար, միայն սիրո արժեքն ապրել: Ես երջանիկ եմ, որ ունեմ սիրո պես Աստված, որին պաշտում եմ, հավատում եմ և, շնայելով, որ այժմ կորցրել եմ սերս, բայց գուցե ապագայում նույն ուժով ուրիշին սիրեմ, նույնիսկ «նրան», և փոխադարձաբար. ավելի ուժգին, քան առաջ և այժմ... նորից սիրվել նրանից՝ խիմերա է...» (Հ, 54): Իսահակյանի ներքին երկվության վկայությունն է 900-ական թվականների սկզբներին կատարած հետևյալ գրառումը, որը վերաբերում է իր սիրո առարկայի իրական-մարդկային նկարագրի և իդեալականացվածի մասին խորհրդածություն ինքնախոստովանանքին. «Ոչ թե սիրում էի, այլ պատկառում, պաշտում էի, շատ էր ինձ վեհ ու արքայական թվում. լուռ, ծանր, փեհապանծ—բարձրանում էի նրա շնորհիվ ու մաքրվում... բայց իրոք նա ինձ դուր եկավ—մի հիմար, խորամանկ կոկեսակա, վատ զրքեր կարդացող... բուժ սրախոսող, սրա-նրա երեսին ժպտացող, քարափրոտ, անտարբեր մի դամա: Ահա իլյուզիան և ահա ռեալականությունը: Ամեն բան մեր հոգումն է, դուրսը ոչինչ չկա, սուբյեկտ, ինտերես ինտիմ—ուրիշ ոչինչ»⁵: Այս տրամադրությամբ է շաղախված նաև «Այն վառ երազ էր...» բանաստեղծությունը.

Այն վառ երազ էր...

Մաքուր հավատով ես քեզ սիրեցի.

Սուրբ ցնորքներով, լուռ աղոթքներով

Ես քեզ պաշտեցի:

Հոգիս տոգորված անհուն վեհությամբ

Քո լքնաղ կրծքում—այդ սրբարանում

⁵ Ե. Զարենցի անվան գրադատության և արվեստի թանգարան (այսուհետև՝ ԳԱԹ), Իսահակյանի ֆ., Ձ 26—II:

Կյանքիս իդեալը, վսեմ իդեալը

Ոս օրհներգեցի...

Բայց երազն անցավ.

Դառնությամբ տեսա, որ իմ ջերմ պաշտած

Աստված—իդեալս կուռք էր կույր-կրթի:

Նվ երազն անցավ,—սոսկ կուռք էիր դու՛:

Ստեղծագործող Իսահակյանին Շուշիկի թեկուզ միայն ժպիտը արարման էր մզում. «...սիրո ժպիտը հիմալի դեմքի վրա ցուլաց. նա ժպիտ չէր՝ պրոմեթեոսյան կաթ — սեր-հույս... Անցավ, անցավ այդ ...Անիծված մարդիկ, զազա՛ն մարդիկ...» (Հ, 38): Սակայն սիրած աղջկա ժպիտը և նոր ծագող զգացմունքները կարողացան սպանել նյութապաշտությամբ տարված աղջկա հարազատները⁷, և գրողի նախատիկների փոսքերը ուղղված են նրանց: Շուշիկի հանդեպ տածած իր զգացմունքները Իսահակյանը «կեսի» փիլիսոփայությամբ է մեկնում. սիրած էակին իր կեսն է ընդունում ու ներկայացնում: «Ես»—«ես» հարաբերություններն այս դեպքում արդեն օրագրում ներկայանում են ոչ իբրև մենախոսության, այլ՝ երկխոսության ձևով, որին՝ Շուշիկի կես «ես»-ին, նա իր խոհերն ու մտորումներն է հաղորդում: Միշտ երկուսն էլ գիտակցաբար հասկանում, լրացնում, ամբողջացնում են միմյանց՝ դրանով իսկ ավարտուն դարձնելով օրագրի հեղինակի ինքնահաստատման ընթացքը: Ստանալով սիրած կնոջ մահվան գույժը՝ 1944 թ. հոկտեմբերի 28-ի նամակում վավերացնում է. «Հուր հավիտյան, մինչև մահ, գերեզման չեմ մոռանա ես նրան: Հիմա կարող եմ ասել, որ իմ կեսը մեռել է» (VI, 368). Սիրած կնոջ հանդեպ տածած հուղապրումների հզորությունը Իսահակյանը համեմատում է տիեզերքի հետ: Սիրած կնոջը համարելով բնության ամենաշքեղ կաթիլը՝ նա տիեզերքը ընկալում է նրանով. «...Տիեզերքի պես ես սիրեցի... Շուշիկին» (Հ, 154): Երբեմն էլ, ինչպես մեջբերվող գրառման մեջ, սիրած կնոջն ուղղված երազաբաղձ խոսքում հեղինակն արդեն չի ցանկանում իր զգացմունքները առարկայացնել՝ Շուշիկի անունը չկա: Հոգեբանական այսօրինակ վիճակը պայմանավորված է անհասանելի սիրո մեկնությունով. «Ես քեզ սիրում եմ, և այս սերս ինչպես մի աղոթք՝ դեպի քեզ եմ առաքում, և իմ սերս ոչ մի ցանկություն չունի. ես չեմ ուզում քեզ համբուրել, քեզ գրկել, քեզ տիրել. քո սեզոն եմ, որ դուն աստղի պես շողաս երկնքում և որպես ցնորք թափառես իմ հոգու վերև» (Հ, 252):

Իսահակյանը բազմիցս իր սերը համեմատում է աստղերի հետ: Մի դեպքում նա աստղերի մեջ փնտրում ու գտնում է սիրելիի դիմադիրք. «Ե, քեզ տեսա աստղերի մեջ», այլ դեպքում նրանով չափում սեփական զգացումների հզորությունը. «Աստղ ու երկինք-սերս ու սիրտըս ոտներիդ տակ փրոնեցի...» (I, 135): 1895 թ. գրված «Անհուն երկնքում աստղերն անշեջ» բանաստեղծության մեջ և օրագրային գրառումներում հեղինակը մեկնում է նաև սեր-աստղ համեմատության ուրույն ըմբռնումները. սիրած աղջկա անհատական, մարդկային հատկանիշները՝ «խորն... Շատ բարձր ու պայծառ» (I, 48): «Հիշատակարանում» այս խորհրդածությունները հանգում են կորցրած տերը, թեկուզ անհաս աստղի կերպարանքով վայելելու զգացողության. «Ես ուզում եմ, որ դուն աստղի պես շողաս երկնքում և որպես ցնորք թափառես իմ հոգու վերև: Դու աստղի պես շողաս իմ հոգում և ինձ լույս տաս...» (Հ, 252): Աստղ-սիրած էակ համեմատության ուրույն ու հետաքրքիր եզրեր կան XX դարասկզբի գրականության մեջ: Ն. Գումիլյովի «Կապույտ աստղին» բանաստեղծությունների շարքը, օրինակ, նվիրված է կնոջը՝ Ա. Ախմատովային և հատկանշական է այս առումով. եթե Իսահակյանի այդ զուգահեռը

6 Ա. Լ. Իսահակյան, Հայգրկի երգեր, Երևան, 1990, էջ 124:

7 Իսահակյանի «Հիշատակարանում» Շուշիկի մոր հանդեպ ունեցած զայրույթն ու նախադրյալը հենու է քաղական արժարժումներից:

խորհրդանշվում է երազային-երկնային հուզապրումներով, ապա ռուս գրողի հուզաշխարհում ախն պայմանավորված է նույն կենսագրական իրողությամբ, թելադրված փոխադարձ սիրո ու վայելքի իրական հոգեբանությամբ⁸։

Սիրած էակին միշտ իրենը համարելու փափագն ու երազանքը այնքան է անսահման ու անհույս, որ հուսահատ բանաստեղծին երբեմն հանգեցնում է միայն մահվան մեջ հնարավոր անբաժանելիության գաղափարին. «Ծն մահ լինիմ, քեզ գրկեմ—դու ինձ պատկանիս, հավիտյան իմը լինիս—ո՛չ ոք չիլի քեզ իմ ձեռքից։ Մահ լինիմ, որ հավերժապես իմ ձեռքում լինիս, ինձ—նից անբաժան...» (Հ, 207)։ Այս տրամադրությունը իր երանգ-ներբերանգնե-րով ծավալվում է «Հավերժական սերը» պոեմում։ «Հիշատակարանում» իսահակյանական սիրո մասին խորհրդածությունների ամփոփումն է թվում 1895 թ. գրառումը. «Սիրո զգացումը մարդկային սիրտը քնքշացնում, նրբացնում է, զարգացնում է գեղեցկության ձգտումն ու ճաշակը, սրում է զգացմունքները. դեպի նուրբը, դժգոհներ, թուլը, գունատը, աղոտը, նվազը. սերը բացառում է ուժը, զորությունը, կորույրը և ազատությունը, նույնիսկ իրավունքն ու կամքը» (Հ, 170—171)։ Այս մեկնության մեջ ուշադրություն է գրավում հատկապես վերջին միտքը. երիտասարդ Իսահակյանը կամքը ենթարկում, ստորադասում է զգացմունքին, և հարցի նմանօրինակ դրվածքը «Հիշատակարանում» հազվադեպ մտայնության արդյունք է, քանի որ, ինչպես հայտնի է, հեղինակը անհատի կամքին է ենթարկում զգայական համարյա բոլոր երևույթները։

1901 թ. դեկտեմբերի 27-ի (Կաղզվան) գրառման մեջ անդրադառնում է Շուշիկի և նրա ամուսնու հետ իր վայրկենական հանդիպմանը. Իսահակյանը չի տալիս անունը՝ «սիրածս աղջիկը՝ իր ամուսնու հետ», բայց նրա ապրած հոգևոր տվյալների ու հոշոտող ցավի անդրադարձը հուշում է, որ միայն Շուշիկը կարող էր լինել։

1897 թ. հուլիսի 15-ի գրառման մեջ հեղինակը անդրադառնում է կնոջ մի նոր հոգեբանական վիճակի՝ արարքի գիտակցմանն ու զղջմանը։ Տարիներ առաջվա իր մերժումը սիրած կինը մեկնում է հետևյալ կերպ «...Ինքը մեղավոր չէր, փոքր աղջիկ էր...» (Հ, 240)։ «Փոքրիկ աղջիկ» Շուշիկի պատճառած ցավն ու մոլորեցնող արդեն բուժել է փորձում հասուն կինը. «...Շուշիկը ինձ ասաց. «Ծն պատրաստ եմ քեզ բժշկելու համար ամեն միջոց, ինչ որ կախված է ինձնից» գործ դնել քեզ համար...» (Հ, 241)։ Սիրած էակի այս վարմունքը, ինչ խոսք, այնքան է հուզում գրողին, որ նա հաջորդ գրառման մեջ ներկայանում է զգայական հզոր լիցքով ու ոգեշնչվածությամբ, բնության տիրոջ զգացումով, որն աշխարհը, ծովը, տիեզերքը, բնության բոլոր երեվույթները մեկնում է հաղթական վերելք ապրող տրամադրությամբ. «Ծն եմ տիեզերքի երգն ու կյանքը. տիեզերք, որ իմ մեջ տրպում է, խորհում է, զգում է—նրա փառքը իմ մեջ է—ես եմ նրա փառքը... Իմ հոգին նրա վայրենի, ազատ ուժն է... Ծն տիեզերքի կոկ, տաշված, պերճ, ճոխ, չքնաղ, նազերի բյուրեղն եմ...»

Ծն վայրենի, ազատ ուժ եմ...» (Հ, 241)։ Ներումն խնդրող կնոջ այս վարմունքը հոգեբանորեն մեղմում է հեղինակի մինչ այդ մերժված հիվանդագին «ես»-ը, և նրա տարիներ լի տառապանքը հոգեբանական այդ խոստովանությամբ գոհացում է ապրում. «Ինձ համար այժմ ամեն քան պարզ է. Շուշիկը ինձ սիրում է. ինձ պատրաստ էր ո՛չ թե միայն համբույր տալ, այլև <...> իմ ետևից գալու Ծն այժմ շվարած եմ...» (Հ, 242)։

Կնոջ էության մեկնության հարցում Իսահակյանի «Հիշատակարանը» միանշանակ պատասխան չի տալիս, սակայն կնոջ գնահատման երկու արժեք միշտ առկա են հեղինակի գիտակցության մեջ՝ կինը որպես ընկեր և սոսկ հաճույքի, վայելքի զույգ։ Վերջինիս գրողը երկրորդական տեղ է հատ-

կացնում. գերապատվությունը օրագրում «մաքուր ու մեծ սիրով շքնաղ» կնոջ կողմն է. «Սերը, սեռական սերը պիտի վերածվի ընկերական, մաքուր, խելոք ու բարձր սիրու»,— փակ այն գրողի կարծիքով. «Բոլոր սերերի մեջ ամենից բարձրը, հաստատը, ամուրը, խելոքը, խորը, մարդկայինը, հերոսայինը, գերբնականը— ընկերական սերն է...» (Հ, 169): Ի տարբերություն Գյոթեի երգած հավերժ կանացիության կամ դարասկզբի սիրերգությանը բնորոշ սալոնային կանանց փառաբանման մոտիվների, Իսահակյանը գովերգում է կին-ընկերոջ սերը: Այս առումով էլ «Հիշատակարանը» և գրողի սիրային թեմայով ստեղծագործությունները աղերսվում են մեծ անգրիացու՝ Վ. Շեքսպիրի «Սոնետներին»: Խոսքը սիրո զուտ մարդկային-ընկերական⁹ հուզապրումներին է վերաբերում, և հայտնի է, որ Շեքսպիրի սիրային սոնետների գերակշռող մասը՝ առաջին 127-ը, նվիրված են երիտասարդ ընկերոջը, իսկ 127—154-ը՝ «թուխ կնոջը»: Իսահակյանի մոտ կան խոհեր, բանաստեղծական տողեր, պատկերներ ու տրամադրություններ, որոնցով նա հոգեհարազատանում է Վ. Շեքսպիրին: Դա մերթ սիրած էակին ստրուկի պես հնազանդ ծառայելու (սոնետ № 151)¹⁰, նրան միայն և միայն երազի ու երևակայության մեջ գգվելու ու վայելելու մտայնությանն է վերաբերում (№ 87) կամ սիրո անբուժելի հիվանդության մասին (№ 147) խորհրդածություններին, որոնք առավել խտացված գույներով, հոգեբանական-խորքային բացատրություն-մեկնություններով շրջանառության է կոչում հայ բանաստեղծը «Հիշատակարանում»:

Իսահակյանն իր օրագրում սերունդներին է հանձնել նաև իր ըմբռնումներն ու պատկերացումները ընկերական սիրո մասին, համաձայն որի, այն ամենաբարձր ու մարդկային սուղը զգացումն է. «...Մի սեր, որ մենք տածում ենք իրար այն ժամանակ, երբ զգում ենք, որ այն էակը բարձր է, ազնիվ, խորը, խելոք, սուրբ՝ մեր ամենալավ իդեալներին համապատասխան, Այստեղ միս, արյուն չկա» (Հ, 169):

Մի այլ առիթով նամակներում արդեն, սիրած աղջկան նա դրում է. «...Սիրո գինը սերն է. և իմ սերը ալոպիսի գին է պահանջում. ընդունակ ես այդ գինը տալու— մենք ընկերներ փմնանք...» (VI, 74): Իսահակյանի «քայլող սիրուն» ուղղված այսօրինակ տրամադրությամբ են ողողված դեռևս վաղ տարիների ստեղծագործությունները: Այդ «ամենավեճ մտքով հասկացված» ընկերական զգացմունքի տրամադրության հետքերն ենք գտնում դեռևս 1892 թ. Ալեքսանդրապոլում գրված «Դավաճանության օրերում» (X-ի պատկերի դիմաց) բանաստեղծության մեջ.

Ընձ չճանաչեցիր, ընկեր նաղելի,
Իմ մաքուր սերը անհոգ դիմակով
Քեզ ողորենեցի՜մ՝ ամատենցիք ծաղրի:
...Ա՛խ, անգին ընկեր,
Չ'նկատեցիր իմ շերտ արցունքը¹¹:

Բր. չ. Ընձ սիրուն՝ Շուշանիկ Մատակյանին էր նվիրված Իսահակյանի առաջին տպագիր բանաստեղծությունը՝ «Մաղիկ էի նորաբողոք...»¹², որից սկսած այլևայլ ալիքախումբներով, երանգ-նրբերանգներով ծավալվող սիրային թեմայով գրված ստեղծագործություններում գրողը վրձնում է սիրած

⁹ Սայաթ-Նովայի պոեզիային նույնպես բնորոշ այս երևույթը ժամանակին արձանագրել է Հ. Թումանյանը, ըստ որի երգչի «...Սերը նման է ընկերության, ընկերությունը՝ սիրո» (Հոգև. Թումանյան, Երկերի ժողովածու, հ. 4, Երևան, 1951, էջ 259):

¹⁰ Վ. Շեքսպիր, Սոնետներ, Երևան, 1961:

¹¹ ԳԱԹ, Իսահակյանի ֆ, Կ—II:

¹² Այս բանաստեղծությունը «Հին—նոր երգ ու վերքերից» գրքում (Բաքու, 1902) վերանագրված է «Վեր օր. Մ. Մ.—ին»:

աղքեղ և դիմանկարը՝ վերստինս փարպետներին վաշել կատարելությամբ՝ լոյս, վարդ հրեսով ու նազով մեջքով, ծով-ծով մազերով, վարդի պես բուրոյ, գիշերվա պես սև ու խորհրդավոր աչքերով:

Ավանդապահ վարքուքարքի տեր ընտանիքի զավակի, ժամանակի զարգացած մտավորական միջավայրից սերած Շ. Մատակյանը հեղինակն է բանաստեղծությունների, հրապարակախոսական հոդվածների ու թարգմանությունների: Նրա շփածոյում կարելի է որսալ Իսահակյանի ոչ միայն բանաստեղծական տրամադրությունների ու պատկերների հարազատությունը, այլև օրագրային գրառումների զուգահեռները: «Սա ինչպես մի մրրիկ՝ լի կյանքով ու վշտով՝ եկա Շուշիկի մոտ—նա ապառաժ էր, ժայռ էր. բախեցի նրա կրծքին, շաշեցի ու շառաչեցի մոտը... մնաց շոր, ամուր ու ժայռ-քար... Իսկ երբ հեռացա՝ միայն մի քանի կաթ արցունք... ընկած տեսա նրա քարկրծքի վրա» (2—90): Ահա և Շ. Մատակյանի շփածոյի համեմատությունը զուգահեռները: «Միրտս... ժայռ է դարձած», «Ու սիրտս ժայռ է շատ հին դարերից», «Ես մի ժայռ եմ շոր-ցամաք»¹³:

Իսահակյանի «Մայրիկ, հիվանդ եմ, փրկիր քրքրված. Տես, որ քան խորն ան հոգոս փերքերը Արնոտ ու խոցոտ» (I, 45) տրամադրությունը սիրած էակի մոտ այսպիսին է՝

Ահա նախիր, մայր իմ, փրկող,
Այս իմ խոր-խոր վերքերը... (Շ, 45)

Շ. Մատակյանի շփածոն շաղախված է իր ապրած վշտի, հոգևոր տառապանքի, կորցրած մեծ սիրո ու երջանկության շուրջ մորմոքուն տրամադրություններով: Ինչպես Իսահակյանը օրագրում, նա նույնպես իր հոգու մորմոքն ու վիշտը պահ է տալիս ծովին:

Մի վիշտ ունեմ, նա շատ հին է,
Եվ ծովին է հանձնված.
Ո՛վ ալիքներ, մի՛ վրդովեք
Եվ վիշտս հանեք երևան (Շ, 40):

Մի դեպքում անկեղծ ու անմիջական, այլ դեպքում արդեն միջնադարյան սիրային պոեզիայից փոխառնված այլաբանական ձևով ու եղանակով բանաստեղծուհին ողբում էր կորցրած մեծ սերն ու երջանկությունը: Կորցրած մեծ սիրո համար ապրած ցավի, տառապանքի, անամոք մորմոքի տրամադրությամբ է ողորդված «Հիշատակարանը», ուր համարյա անընդմեջ այդ հիշատակումը ծավալվում է օրագրով մեկ: Չափածոյում արդեն նրա ապրած մարտկալին վիշտն ու տառապանքը ներկայանում են լիքով մակդիր կամ համեմատություն: Գրողի սիրո ու խանդի ծառացումները ներկայանում են դահճի ու զոհի հակադրությամբ, որը առկա է նաև հայնեական տողով սկսվող «Այսօր ձեր տունն մեծ խնջուք վա՛ռ»¹⁴: Բանաստեղծության մեջ, ուր գերմանացի գրողի նման Իսահակյանը ստեղծում է սիրած աղքեղ հարսանիքի օրը լուսամուտի տակ կանգնած մերժված սիրահարի կերպարը:

Դու դահճի պես ա՛լ ես հագել,—

Ալըդ շողքն է իմ արյան... (I, 122):

Ինչպես նշվեց, տարիներ անց Իսահակյանի երազային սերը զղջում ու ներում է խնդրում իր վերաբերմունքի համար, պատճառաբանելով, որ տարիքի բերումով ի վիճակի չի եղել ըստ արժանվույն գնահատելու նրա զգացմունք-

¹³ Շ ու շ ա ն ի կ Մ ա տ ա կ յ ա ն, Չ ա փ ա ծ ու արձակ էջեր (այսուհետև՝ Շ), Երևան, 1975, էջ 24—36:

¹⁴ 2. Հայրենի ստեղծագործությունների առաջին տողերով է Իսահակյանը գրել նաև «Մի՛րոտ իմ, սպասի՛ր», «Շառաչելով մի վառ աստղիկ», «Մու՛թ անտառով լուռ ման կուգամ» բանաստեղծությունները:

ների ուժն ու անկեղծությունը: Թվում է՝ իրական-կենսագրական այս ազդակներով է թելադրված 1901 թ. գրված «Ժեռ, սև քարը սրտիս վրա» ստեղծագործությունը, որը ողբերգական ծախքերով ու խորքով առնչվում է Հայնեի «Յնորքներ ու մորմոքներ» քնարական ինտերմեցցոյի «Մուլն էր իջել աչքերիս» բանաստեղծությանը¹⁵: Այս հոգեհարազատությունը ծայր է առնում ստեղծագործական մտահղացումից. սիրուց մերժված և գերեզմանում ամփոփված ասպետներին այցի են գալիս և փորձում կյանքի կոչել իրենց սիրած էակները: Կենսագրական ճշմարտապատում տպավորություն ստեղծելու նպատակով էլ քնարական հերոսները ներկայացված են իրական անուններով՝ Շուշան, Հայնրիխ:

Գերմանացի քնարերգուին Իսահակյանի օրագիրը հարազատ է բազմիցս շրջանառության կոչած «սրտի խորունկ վերք», «արյունոտ, արնածոր վերք» բառապատկերներով նկատ կորցրած սիրո մորմոքը. մոր գրկում փարատելու զգացումով («Մորս՝ Բ. Հայնեին», Ավ. Իսահակյան՝ «Մայրիկիս», «Մայր տեսավ ինձ շատ տխուր»):

Հայնե-Իսահակյան ստեղծագործական առնչությունների հիմքում, թվում է, ընկած են ոչ միայն նրանց ռոմանտիկ բանաստեղծական խառնվածքը, վերջինիս Գերմանիայում ուսանած լինելու հանգամանքը, այլև ինքնակենսագրական զուգադիպությունները նույնպես: Ե՛վ Հայնեն, և՛ Իսահակյանը սիրել են իրենց զարմուհիներին¹⁶, իսկ վերջինները գերադասել են նյութական ապահովածությունը: Երկու բանաստեղծներն էլ իրենց սիրած էակների նմանությունը որոնել ու գտել են նրանց կրտսեր քույրերի մեջ (Ամալյա-Թերեզ Հայնե, Շուշանիկ-Աննիկ Մատակյան):

Երազային ցնորք Շուշիկը 1896 թ. գրառումից սկսած «Հիշատակարանում» ներկայանում է արդեն իրական, շոշափելի գույներով: Փետրվարի 11-ին նրա հետ երկար զրուցելուց հետո բանաստեղծը օրագրում հավաստում է. «...Շուշիկի հետ շատ խոսեցի... Բայց չեմ սիրում է՛լ նրան, հիացմունքն ու մշուշը անցել է, մնացել է միս-ոսկոր և մարմին Շուշիկը. քիչ է մնում, որ տոփանք տածեմ նրան... Վա՛յ, վա՛յ» (Հ, 207): Այսօրինակ ռեալ ու իրական ընկալմամբ էլ, թվում է, այս գրառումից հետո սիրած էակը ավելի քան խորհրդանշում է իր մանկությունը, հայրենիքն ու երիտասարդությունը: Թերեզ այս պատճառով էլ Շուշիկը վարպետի ստեղծագործություններում միշտ երիտասարդ է, գեղեցիկ ու հրապուրիչ:

«Հիշատակարանում» կան նաև այլ կանացի կերպարներ, որոնց էությունը բացահայտվում է միայն օրագրի հեղինակի մենախոսության միջոցով: Իսահակյան ստեղծագործողի միտքը նրանցով զբաղվում է սոսկ որպես տղամարդ՝ Զարուհի, Հռիփսիմե: Իսահակյան-Զարուհի առնչություններում, օրինակ, նկատելի են կին և տղամարդ փոխհարաբերությունների նոր կտրվածքներ: Նրանց մտերմությունը, օրագրային գրառումների վկայությամբ, սոսկ ֆիզիկական եզրերով է պայմանավորված, և այդ պատճառով էլ նրանց միջև ցանկացած բախումն ու ընդհարումը պարզապես նոր դիմակի է հանգեցնում: Հոկտեմբերի 27-ի ծավալուն գրառումները (1897) ուղեկցվում են Շուշիկի մասին տեղեկություններով, և այս հանգամանքն էլ հասկանալի է դարձնում գրողի նմանօրինակ կեցվածքը. նա Շուշիկին գիտակցաբար ընդունում և միշտ ներկայացնում է առանց դիմակի, և այդ է նաև պատճառը, որ կյանքում, ինչպես և «Հիշատակարանում» մորմոքուն ցավ է ապրում նրա համար, մինչդեռ Զարուհու հետ ունեցած փոխհարաբերությունները՝ դիմակով թելադրված, որևէ ցավ, մորմոք, առավել ևս տվյալտանքի զգայական լիցքեր չեն պարունակում. «...Շուշիկը ինքը իր կամքով բացատրեց տարիներ առաջ իր վարմունքը իմ սիրո նկատմամբ... Նույն երեկոյան կընվեցա Զարուհու հետ. օրիորդը ինձ վրա նայում էր կես-արհամարհանքով...

¹⁵ Հ. Հայնե, Երկեր, հ. 1, Երևան, 1958, էջ. 132:

¹⁶ Ամալյա Հայնեն բանաստեղծի հորեղբոր աղջիկն էր, իսկ Շուշանիկ Մատակյանը՝ Իսահակյանի մորաքրոջ թոռը:

ես իրեն ասացի, որ դիմակավոր եք, որ լավ մարդու հերն անիծած, վատը արդեն վատ է:

Էլ չենք խոսում իրար հետ. ես հեշ չպիտի գիշեմ, թո՛ղ նա գիշե... Ինձ խորը վիրավորել էր. ես էլ հարգում էի, շա՛տ հարգում էի օր. Զարուհուն— այդ վարմունքն ինձ այնքան զայրացրեց, որ ես ստիսված եղա նրան ասելու, որ կանայք դիմակներ ունեն, ակնարկելով օրիորդին...» (Հ, 240—241):

Կնոջ առեղծվածային էությունը բացահայտումը միշտ էլ զբաղեցրել է Իսահակյան տղամարդուն և արվեստագետին: 1925 թ. (5. X, Վենետիկ) գրառման մեջ գրողն արդեն անդրադառնում է կնոջ հանելուկային էությանը և սիրո սեփական իդեալի ըմբռնման բացահայտումներին: Ծթե Իսահակյանը իր երեք հասակներից առաջինում ապրել է սիրո մերժման տառապանքը, երկրորդում կնոջը վայելել ոչ միայն իբրև ընկերոջ, որդու մոր, այլև կանանց համակրանքը ընդհանրապես, ապա երրորդ հասակում, գտնվելով իր հիսնամյակի շեմին, նա հոգու աչքերով տեսնում և նկարագրում է անծանոթ կնոջը: Իսահակյանն այստեղ, ըստ էության, քննարկման է դրել կնոջ իդեալի իր պատկերացումները՝ որպես գեղեցիկի բացառիկ կատարելություն, քանի որ նրան տեսել էր միայն մի ակնթարթ: Հմայիչ էր նա ոչ միայն արտաքինով. «Ո՛չ, սա կին չէ: Սրբապղծություն է այս որակումը. սա գերմարդկային է: Ի՛նչ սլացիկ հասակ, ի՛նչ ազնվություն, և ինչպիսի՜ աչքեր—սուրբ, քնքուշ, սրտախոս: Հոգեղեն է սա, անմարմին, կամ երազի մարմին, անուրջ» (Հ, 364—5): Գրողը օժտել է նրան ե՛ր մարմնական, և՛ հոգևոր գեղեցկություններով: Այս գրառումը նա կատարել է խոհափրիխոփայական ճանաչողության այնպիսի հմտությամբ, որ դժվար է պնդել, թե հեղինակն այդ կնոջը տեսել է իրականում, թե՛ ոչ: Թերևս որևէ գեղեցկուհի վայրկենաբար այնքան է հմայել բանաստեղծին, որ նրան է վերագրել բոլոր իդեալական իր պատկերացումները, որոնք նա կրել է իր հոգում, փայփայել ու սիրել: Երրորդ հասակում նա այդ բոլորը նյութականացնում է ընդամենը մեկ վայրկյան տեսած գեղեցկուհի տիկնոջ մեջ: Ուշագրավն այստեղ ոչ թե կինն է, որի արտաքինով զմայլվել է հեղինակը, այլ իր երազանքների մարմնավորումը, որն իր նկարագրի ներդաշնակությամբ բացահայտում է գրողի հոգու ողջ հարստությունը: Տառապանքների բովով անցած Իսահակյանի հոգին, այնուամենայնիվ, կյանքի վայելքը մեկ վայրկյան ապրում է այդ կնոջով. «Պատահաբար նրա հայացքը մի պահ հանգչեց իմ վրա, և հոգիս տերևի պես դողաց այդ հայացքի ներքո...» (Հ, 365): Օրագրի «Անծանոթ կինը» վերնագրով այս գրառումը պայմանականորեն կարելի է բաժանել երեք մասի. հեղինակը նախ նկարագրում է այդ կնոջ ներդաշնակ գեղեցկությունը: Կնոջ կազքին կանգնած էր նրա ամուսինը, և ահա այստեղ էլ գլուխ է բարձրացնում անցած տասնամյակների երկու հասակներում անձնական վերավորանք կրած նրա տղամարդկային մեծ սերն ու «ես»-ը. «Նրա մոտ վանճնած էր մի այլ, նրա ամուսինը... Այդ մարդը—իմ ոստիկն է, բոլոր մարդկանց մեջ իմ միակ թշնամին, իմ արյունը ծծողը, աշխարհի մեջ միակ շարը, դեռ, բոլոր իմ ատելության կենտրոնացումը» (Հ, 365): Գեղեցկուհու ամուսնուն գրողը ներկայացնում է որպես չարի մարմնավորում՝ նյութականացած իր երազների դիցունու կողքին, որին նա աստվածացնում է. «Ամբողջ տիեզերքը չքանում, լուծվում է, չէանում է իմ առաջ, և մնում է այս հոգեկան էակը—աստվածությունը...» (Հ, 365): Հանուն այս աստվածության էլ նա պատրաստ է ասպետի նման կռիվ մղել նրա «հոգեշունչ աչքերին» տիրանալու համար: Այս երազանքի իրականացման համար էլ նա պատրաստ է ամեն ինչի. «Ի՛նչ եմ ուզում նրանից—ոչի՛նչ: Ոչի՛նչ այն ամենից, ինչ որ ուզում եմ մարդիկ կանանցից» (Հ, 365): Կյանքի թոհուրթոհի, քաղաքի աղմուկ-ժխորի մեջ էլ գրողը կորցնում է իր երազների դիցունուն՝ Աստվածուն: Երրորդ հասակում արդեն այս կորուստը խորհրդանշին էր կյանքի ունայնության: Քաղաքի աղմուկի մեջ իր երազ-իդեալը կորցրած Իսահակյանը, փորցրած նաև հույսը, որ որևէ տեղ կարող է հանդիպել ու գտնել նրան, մի

նախադասությունը ասես ամբողջացնում, ավարտում է իր վերապրածը. «Ո՛վ էր, արտեղից եկավ, և ո՛ւր գնաց» (Հ, 366): Տրված ոչ մի հարցի պատասխանը չգտնելով, եզրահանգում է՝ Թշվառություն: Սա սեփական հոգեվիճակի հեղինակային գնահատումն էր միաժամանակ՝ երրորդ հասակի հետագա ողջ ապրելիք տարիների ակնկալությունների ամփոփումով: Անծանոթ կնոջ տեսիլը իսահակյանի համար տարօրինակ հրաժեշտ էր իր իղբալին, որին մարմնավորելով անծանոթ կնոջ կերպարում, ասես ազատվում է այդ մեծ խորհրդից: «Անծանոթ կինը» գրառման հեղինակն ասես, խոստովանահոր մոտ եկած տղամարդն է, որի հոգին չի աղարտվել մարմնական վայելքներով հարուստ եվրոպական քաղաքներում: Դա նրա անբասիր, մաքրամաքուր հոգու խոստովանանքն է՝ երրորդ հասակի սկզբում:

Այս մեծ սիրո վերհուշը ողջ կյանքում ուղեկցել է բանաստեղծին՝ իբրև անանց կարոտի ու տենչանքի արտահայտություն¹⁷: Թվում է, կյանքի վերջին երեկոթին, որ Շ. Մատակյանի մահվան օրն էր (հոկտեմբերի 16), իսահակյանի վերջին բանաստեղծությունը սիրո և հրաժեշտի խոսքեր էին՝ ուղղված սիրած կնոջը.

Ինձ սիրելի որպես թե

Լինելի մեռած.

Անունս հնչեր քեզ՝

Հեռավոր մի հուշ...¹⁸

Շուշիկի հանդեպ տաժած այս մեծ սիրո զգացմունքները իսահակյանի ստեղծագործություններում վերածվեցին բանաստեղծությունների, պոեմի, լեգենդի, արձակ էջերի, փիլիսոփայական ինքնախոստովանանքի: Այս վերջինում արձանագրված սիրո ու մոլորքի զգացմունքները երբեմն վերանալով որոշակիությունից, դառնում են ընդհանրապես կին-արարածի, նրա անհատական մարդկային նկարագրի քննությանը վերաբերող մտորումներ կամ խտացումներ, ուր մի քանի նախադասության մեջ գրողը ամփոփում-ամբողջացնում է իր ապրած զգացմունքների հզորությունը, սիրո վեհացնող սրբագործող ուժի ներգործությունը: Հոգևոր խաղաղ ու պայծառ պահների ծնունդ այս արժարժումները, սակայն, չեն մեղմում «Հիշատակարանում» իշխող տոնը՝ վիրավոր, արնածոր սրտի վիրավորանքն ու ծառացումը. «...միշտ առաջին սիրուս լույս—պատկերը աչքիս առաջ, ձայնը ականջիս մեջ, և սրտիս մեջ երազ ու վիշտ, երգ ու արցունք...» (Հ, 311):

ЛЮБОВЬ АВ. ИСААКЯНА В «ДНЕВНИКАХ»

М. Г. ЗАКАРЯН

Р е з ю м е

Большая любовь и героиня поэзии Ав. Исаакяна—Шушаник Матакян. Эти переживания вылились в стихи, поэмы, легенды, прозу, философскую исповедь. Его «Дневники» и стихотворения своими настроениями и лексическим образным строем перекликаются с мировой любовной лирикой. Исаакян представляет любимую женщину как свою половину. И уже в таком ракурсе отношения «Я»—«Я» предстает в дневнике не в форме монолога, а диалога, в котором он передает своей половине Шушаник—я мысли и думы.

Любовная тема в произведениях Исаакяна с точки зрения чисто человеческих, дружеских чувств сопоставима с сонетами Шекспира. Писателю импонируют также образное мышление поэзии Гейне, его бунтарский дух.

¹⁷ Համաշխարհային պոեզիային հայտնի է սիրած էակների դիմագծերը նրանց երեխաների մոտ որոնել-գտնելու մոտիվը: Այս առումով եզակի բանաստեղծություն է Բայրոնի՝ Մերի Չավորտին նվիրված «Բարի», ես երջանիկ եմ» բանաստեղծությունը (The complete work of Lord Byron, Paris, 1835, p. 847): Իսահակյանին, սակայն, սիրած կնոջ մայրական սկզբի գովերգման զգացում բնորոշ չի եղել:

¹⁸ ԳԱԲ, Իսահակյանի ֆ, 73—II.